

Հասուրա ԱԹԱՆԵՍՅԱՆ

ԱԼԵՔՍԱՆԴՐԱՊՈԼ-ԼԵՆԻՆԱԿԱՆԻ ԿԵՐՊԱՐՎԵՍԻ ՊԱՏՍՈՒԹՅՈՒՆԻՑ (1850-1988թ.)

Գյումրու, ընդհանրապես Շիրակի գեղարվեստի ու արվեստագետների թիկունքում հայկական նշակույրի հսկայական կենսափորձն է, որ չափվում է դարերի պատմությամբ՝ կապվելով վատ միջնադարի հետ: Փաստերը վկայում են, որ դեռև VIII-VIIIդդ. Շիրակում գործել է Կամսարականների մանրանկարչության դպրոցը: Խսկ հայկական որմնանկարչության առաջին նմուշները կապում են VIII դ. Շիրակի ճարտարապետության հետ, վկա՝ Լմբատավանքի Սր Ստեփանոսի որմնանկարները (661-666թ):

Եթե VIIIդ. կերպարվեստից մեզ աղոտ տեղեկություններ են հասել, ապա միջնադարյան Անիի մանրանկարչական դպրոցի մասին (X-XI և XIIIդդ.) շատ քանի է հայտնի: Անիում հայ գրչության ու արվեստի խոշորագույն կենտրոններից մեկում են աշխատել հայ միջնադարյան մանրանկարչության փառքը հանդիսացող Մարգարեն, Խճնատիոսը, Գրիգոր Ծաղկողը: Այստեղից են մեզ հասել բազմաթիվ նկարագարդ ավետարաններ, որմնանկարչության ու որմնաքանդակի փայտուն հուշարձաններ՝ Սր Աստվածածին տաճարի հարքաքանդակներն ու որմնանկարները, Արուղամբեց Սր Գրիգոր և Սր Փրկիչ Եկեղեցների որմնանկարները: Այսպիսի հարուստ նշակութային անցյալ ունեցող Անիի հարևանությամբ ձևավորվող Գյումրին չէր կարող չկրել այդ հրաշակերտ մշակույրի ազդեցությունը, որին նաև շրաբնալ այդ ծնուակերտ արարշագործության յուրովի ժառանգորդն ու զարգացնողը:

Անիի անկմանը Շիրակի ընթափաված մշակութային կյանքը դարեր անց վերստին սկսում է աշխատանալ: Եվ դա՝ բազմաթիվ դարերի ճանապարհ կտրած մի քնակավայրում, ինչպիսին Գյումրի-Ալեքսանդրապոլն էր: Քաղաք, որ արդեն մեր ամենամոտիկ անցյալի՝ XX դարաշեմին մեր կերպարվեստի հայաստանյան կենտրոնատեղին դարձավ՝ իր տեղաբնակ արվեստագետներով, արվեստանու հասարակայնությամբ ու գեղարվեստի գործերով: Այդ երևույթի հիմքում, անշոշտ, այն սոցիալ-քաղաքական նպատակով պայմաններն էին, որում հայտնվել էին Շիրակն ու զարգացակենտրոն Ալեքսանդրապոլ Ռուսական կայսրության կազմի մեջ մտնելուց հետո:

ХІХդ. Ալեքսանդրապոլի գեղարվեստական կյանքը համեմատարար հանգիստ էր, առանց ակնառու դրսւորումների: Բայց ХХդ. առաջին տարիներից սկսած՝ Ալեքսանդրապոլի գեղարվեստի զարգացման ընթացքը բարի առավ: Գրական, քանուական և երաժշտական կյանքի աշխատացման հետ զարգացման իր հունը գտավ նաև կերպարվեստը՝ որմնանկարչության, դեկորատիվ, կիրառական, մանրանկարչության, հաստոցային գեղանկարչության տարբեր ժանրերի՝ կենցաղային բենայի, դիմանկարի, քնանկարի առանձին նմուշները: Դարասկզբին Ալեքսանդրապոլում ապած ու ստեղծագործած դիմանկարային արվեստի ամենափայլուն վարպետներից մեկը պալսահայ Ենոք Նազարյանն էր՝ իր ողջ ստեղծագործական կյանքը Ալեքսանդրապոլին ու նրա նարդկանց նվիրած մի արվեստագետ: Նրա կավճանկար «Հ. Հեքիմյանի», «Ա. Հեքիմյանի», «Կարապետ Կուզիկյանի» դիմանկարները լուրջ ներդրում են այդ ժանրում: Ե. Նազարյանի ժամանակակիցն էր տեղացի նկարիչ-ազգագրագետ Արշակ Բրուտյանը (1866-1936): Նրան են վերագրվում Յորվերը Եկեղեցու որմնանկարները, Ալ Միհրարյանցի, տեր Խորեն քահանա Արքարյանի դիմանկարները, որոնք վկայում են նկարչի մասնագիտական պատրաստվածության մասին: 1912թ. նկարչական ասպարեզ է իշնում նաև նրա որդին՝ Գ. Բրուտյանը, որի անվան հետ էին կապվելու Ալեքսանդրապոլի գեղարվեստական կյանքում տեղի ունեցած գրեթե բոլոր դրական տեղաշարժերը: Նրա նախաձեռնությամբ էլ 1913թ. քաղաքում կազմակերպվում է մեր իրականության մեջ առաջին նկարչական ցուցահանդեսը, իսկ 1916թ.՝ նկարիչների առաջին միությունը: 1915-20-ական թթ. ծանր իրադարձությունների տարիներին ե. Նազարյանը կարծ ժամանակով լրում է Ալեքսանդրապոլը, իսկ Գ. Բրուտյանը նախ մասնակցում է Մայիսյան ապստամբությանը, ապա՝ խորհրդային կարգերի հաստատմանը:

1921թ. քացվում է Անդրկովկաստում առաջին նկարչական դպրոցը (այժմ Ս.Սերկուրովի անվան), որն առաջին լորջ մշակութային իրադարձությունն էր քաղաքում: Դպրոցում սկսում են դասավանդել այդ ժամանակի շնորհալի նկարիչներ Եղիսաբեր Պատկանյանը, Աշոտ Սաֆարյանը, Ստեփան Ալբունյանը, Սամիկոն Փանոսյանը, Յովյա Վերժբիցկայան, Հնայակ Ավետիսյանը՝ մանկավարժական աշխատանքը զուգակցելով ատեղծագործելով հետ: Անգնահատելի է այս դպրոցի ներդրությը նկարիչների պատրաստման գործում: Խորհրդային արվեստի առաջին քայլերը կատարվեցին այդ ժամանակի համար ամենաարդիական քաղաքական գրաֆիկայի և ծաղրանկարի ոլորտներում (Գ. Բրուտյան, Հ. Ռուսլյան, Կ. Տիրատուրյան): Նկարիչների ուշադրության կենտրոնում են հայտնվում նաև քաղաքի և նրա մարդկանց կյանքում տեղի ունեցող վերափոխությունները: Ստեղծվում են աշխատանքի առաջակրթների և քաղաքի երեխների դիմանկարները: Դիմանկարը դատնում է ժամանակի պահանջված ժամանելիքը: Այդ ժամանում աչքի ընկնող գործեր էին Գ. Բրուտյանի լինովորագործոյուններն ու գրչանկարները (Պայշովսկու, Արշակ Բրուտյանի, Լենինի, Պեչնիկ Թաքոսի) և Ե. Նազարյանի մի շարք կալճանկար-դիմանկարները:

Սուանձին ստեղծագործությունների նյութ են դատնում քաղաքի խորհրդային վերակառուցումն ու «քողկեկ» Ծիրկանալի շինարարությունը: 1929-1934թթ. քաղաքում քացվում է երեք նկարչական ցուցահանդես: Լենինականում սկսվում է գեղարվեստի խկական վերածության շրջան: Երևան են գալիս նաև քանդակագործության առաջին նմուշները: Կերպարվեստի այս տեսակը, ի տարրերություն գեղանկարչության, քաղաքում մեծ ավանդույթներ չուներ: Քանդակագործության ոլորտում ևս զարկ է տրվում դիմաքանդակ-հուշարձաններին: Սոնսունետալ պլաստիկայում մեծ հաջողությամբ հանդիս է գալիս «օխսոր պորտուզ զյումբեցի» Սերգեյ Սերկուրովը (1881-1952) և զյումբեցի, քայլ իր ողջ ստեղծագործական կյանքը Երևանում անցկացրած Սուրեն Ստեփանյանը: Սերգեյ Սերկուրովը՝ Ս. Չահումյանի, Վ. Լենինի և Ս. Ստեփանյանի՝ Մայիսյան ապստամբության հերոսների հուշարձանները Լենինականում, Ղ. Ղուկասյանի արձանը Երևանում քանդակագործական արվեստի անկրկնելի նմուշներ են: Իր հուշերում մեծանուն քանդակագործը առանձնահատուկ սիրով ու գորվանքով է խոսել զյումբեցի քարտաշ Վարպետների մասին խոստովանելով, որ իր հրաշք քանդակագործական արվեստի այրութենող յուրացրել է քաղաքային աղմուկից հեռու՝ գերեզմանոցում՝ շիրմաքարտերի վրա, հարթաքանդակներ ու նախշեր անող այդ զարմանալի հմաստուն մարդկանցից: Անրող կյանքում, «ականջին օպ արած», իիշել է նրանցից մեկի խոսքը-ը, որ իր առաջին և երեք չմռացվող գործնական դասն են եղել. «Տես, որ քո քանդակած բրույլ չնմանվի պրշնապուկի: Այնպիս աշխատիր, որ վարդերը քո կորիչի տակ բուրեն ավելի լավ, քան իսկականը, և բրույլ իր երգով իսկականից հազար տարով ավել դիմավորի արևածագը և ուրախացնի հանգույցյալի հոգին: Լավ վարպետի ձեռքում քարը կենդանանում է, իսկ վատի ձեռքում՝ դառնում փոշի: Երբ մեծանաս, չըողնես մեր արինաստ... Սպասիր համբերությամբ և աշխատիր: Իսկ արդեն տարիների բեռից ինաստնացած քանդակագործն այսպիսի տողեր է բռղել սերունդներին՝ իրը իր ծննդավայրի նկատմամբ որդիական անափ սիրո ու երախտապարտության առհավատչյա: «Մեզս ինչ հունար կա, Գյումրվա հող ու ջրեն է: Ավար մեր էդ օրինված քաղաքը խուղոժներկ քաղաք է, ինտեղ առանց հունարի մարդ չես գտնի»:

ԽՀ. 30-ական թվականներին քաղաքի արվեստական հասարակության հոգևոր կենտրոն էր դարձել Լենինականի քատրոնը: Սինչ այդ դերասանական առանձին խմբերի ներկայացումները քաղաքում չունեին նկարչական ձևավորում, չկային համապատասխան դեկորներ, դերակատարների համար անհրաժեշտ հագուստներ, օգուագործվող ստանդարտ դեկորներն էլ անում էին ոչ թե նկարիչները, այլ վարպետ ներկառարները: Միայն 30-ական թվականներից ներկայացումների ձևավորման աշխատանքներում սկսեցին ներգանվել արվեստավարժ նկարիչներ, և սկիզբ դրվեց քատերական արվեստի նոր դպրատիք՝ բնմանկարչությանը:

Լենինականում աշխատած առաջին բնմանկարիչը մոսկվացի էր՝ Վ. Շերիշևը: Վ. Ամենյանի և այլոց կարծիքով՝ նա զերազանց նկարիչ-ձևավորող էր՝ իր սեփական աշխարհով, կյանքի իր զգացողությամբ: Շերիշևի դեկորները պատկերավոր էին և միաժամանակ անշափ քատերային: «Մարոկո», «Հատակում», «Չահնամն», «Գոշ»

Երկայացումների նրա ձևավորումները անմոռաց տպավորություն էին քողնում քատերասեր հասարակության վրա:

1935թ. Լենինականում սկսում է գործել Ն. Կրուպսկայայի (այժմ՝ Ստեփան Ալիխանյան) անվան տիկնիկային թատրոնը: Թատրոնում երկար տարիներ որպես նկարիչներ աշխատեցին Սուրեն Ստեփանյանը, Արարուս Աբրահամյանը, որոնց գունագեղ ձևավորումներն ու զարմանահրաշ տիկնիկները մանուկների կյանքը դարձնում էին հերթակար («Գառնիկ ախավերը», «Կարմիր զինարկը», «Արեգնազանը», «Անահիտը»):

Հայրենական Մեծ պատերազմն իր որույն ուղղումները նոցրեց քաղաքի գեղարվեստական կյանքի ընթացքի մեջ: Գյուղեցու ազգային բնավորության ու հոգեկերտվածքին մշտակես հասուն հավատը ճշմարտության, բարու, լուսավոր սկզբի, մարդասիրության վերջնական հարթանակի նկատմամբ օգնեցին նրան՝ դաժան փորձության այդ տարիներին: Այդ հավատի շնորհիվ զյումբեցին դիմագրավեց պատերազմի արհավիրքներին ու թեև պատերազմի անմիջական մասնակիցը չէր, սակայն հական զոհեր ու որբերգություններ ունեցավ:

Լենինականի նկարիչներն իրենց վրձնով էին կրախուսում ճակատայիններին, իրենց ստեղծագործություններով խոսում հայրենասիրության, հավատարմության ու մոտալուս հարթանակի մասին: «Պարադրասային կարող է բվալ, սակայն պատերազմը ոչ միայն չկարողացավ խոչընդոտել արվեստի զարգացումը, այլև խթանեց այն. գեղարվեստական կյանքը քաղաքում երբեք այնպիսի հետևողական զարգացում չէր ունեցել, ինչպես այդ դժոնակ տարիներին: Առանձնակի աշխուժություն կար հատկապես ծաղրանկարչության, քաղաքական պլակատի ժանրերում, նաև պատմական թեմաներով գեղանկարչության մեջ: Արդեն 1941թվականի դեկտեմբերին Երևանում քացվում է պատերազմական շրջանի առաջին՝ «Հայ նկարիչները Հայրենական մեծ պատերազմին» ցուցահանդեսը, ինտո՛ 1942-ի ցուցահանդեսը, որոնց ակտիվ մասնակցություն ցուցաբերեցին նաև Լենինականցի նկարիչները՝ Խ. Եսայանը, Գ. Բրուտյանը, Մ. Ապամազյանը, Ա. Աբրահամյանը, Հ. Ռուսլյանը: Ապամազյանի ցուցադրած «Հերոսի վերադարձը», «Հերոսի երգը», «Լուրեր ռազմաճակատից» սյուժետային աշխատանքները պատերազմական տարիներին երկրում ստեղծված լսվագույն աշխատանքներից են: Այս տարիներին քանդակագործության առաջնահերթ խնդիրը՝ նոնումնենտալ քարոզչությունը լսվագույն դրսերդից Ս. Ստեփանյանի՝ Դ. Դեմիրճյանի և Ա. Իսահակյանի դիմաքանդակներով, քազմաֆիգուր «Հոկտեմբեր» քանդակով: Պատերազմն իր արտացոլումն է գտնում նաև 1944թ. Լենինականում Շանք Սարգսյանի կազմակերպած ցուցահանդեսում: 1942թ. Սոսկվայից նոր վերադարձած այս շնորհալի նկարիչը շուտով իր ձեռքն է վերցնում քաղաքի գեղարվեստական կյանքի կազմակերպումը: Նա ստանձնում է նաև նկարչական դպրոցի տնօրինությունն ու իր շուրջը համախմբում այդ տարիներին քաղաքում ստեղծագործող մյուս երիտասարդ նկարիչներին (Հ. Սահակյան, Հ. Անանիկյան, Գ. Կարապետյան) և դպրոցի հիմքի վրա էլ ստեղծում Նկարիչների միության Լենինականի քաժանունը:

Անհնար է պատկերացնել 40-ական թվականների Լենինականի թատրոնն առանց նկարիչ Մելիքսեր Սպահյանի: Թատրոնի նկարչի իր կարճատև գործունեության՝ 1941-46թթ. ընթացքում, նրան հաջողվում է նոր քայլ անել քաղաքում քատերական նկարչության բարձր մակարդակը պահելու համար: Իր կարճ, բայց թեղմնավոր կյանքի ընթացքում նկարիչը ձևավորել է տասնյակից ավելի ներկայացումներ: Սվախչյանի արվեստը դեկորատիվ էր, լակոնիկ, բայց նրան հաջողվում էր վրձնել դրամատիկական գործողությունների հաջողված թեմական իրադրություններ: Գոյնը Սվախչյանի պատկերավոր մտածողության արտահայտնան ամենակարևոր տարրերից էր: Նա ձևավորել է «Երկիր հայրենի» դրաման, «12-րդ գիշեր»-ը, «Ժայռը», «Կրեչինսկու հարասնիքը», «Արա Գեղեցիկ»-ը: Անհերեւ մահը բույլ չտվեց նկարիչին ավարտել «Արա Գեղեցիկ» ներկայացման ձևավորումը, որն ավարտին հասցրեց Կարո Մինասյանը: Վերջինն Լենինականում ձևավորել է նի շարք ներկայացումներ՝ «Երկուտակյան պատմություն», «Թնրկահարուեհն», համեմատարար հաջողվածը Լ. Զարարյու «1905թ.» ներկայացման էր: 40-ական թվականներին մի կարճ պահ թատրոնի հետ է աշխատել նաև Ը. Սարգսյանը: Նա է իրականացրել «12-րդ գիշերը» ներկայացման

համար Մ. Սվախչյանի արած էսքիզները և ձևավորել «Երիտասարդ գվարդիան», «Ամուսնություն», «Արջը» ներկայացումները:

Հետպատերազմյան առաջին տարիներին արվեստագետների ստեղծագործական առաջնահերթ խնդիրը հաղթանակած ժողովրդի կյանքի նոր շրջանի կերպարային արտացոլումն էր: Հետպատերազմյան արվեստը միանգամից չգտավ նոր հերոսներ ու նոր տպավորություններ. այն դեռ հսկեցած էր պատերազմական տարիների հիշողություններով: Ռազմաճակատից վերադարձած Հ. Անանիկյանը 1947թ. նկարում է «Հալածվածները» մեծածավալ կտավը, իսկ 1950թ. «Հայ կոնց պատիվը» աշխատանքը, Չանք Սարգսյանի 50-ական թվականների գաղափարակերպարային որոնումներն արտացոլվեցին ժամանակակից թեմաներով «Հին Լենինականում», «Մանքաշ», «ԼենՀԷԿը», «Քանվորի դիմանեկարը», դերասան «Ա. Արմենյանի դիմանեկարը» կոմպոզիցիաներում: Այս տարիներին Լենինականում էին նաև նկարիչներ Գուրգեն Կարապետյանը («Ուստա Հարուբը», «Լայքաշի Մերոն», «Վարսավիդ Վասիլի», «Ուստա Մերգոն» և բնանեկանների շարք), Հարուբյուն Սահակյանը, Սերյոժա Միրզոյանը, արդեն Երևանում էին Մ. Ավանազյանը, Խ. Եսայանը, Ա. Արքահանյանը, Կ. Տիրատուրյանը, Հ. Ռուսլյանը, Գ. Բրուտյանը: Վերջինս Հայրենական պատերազմին նվիրված իր «Մարշալ Ժոկովը ծիրու վրա», «Օղաչուն», «Հայրենական պատերազմ», «Պարտիզաններ» լինովրազրտություններին ավելացնում է նաև «Հին Գյումրի» գրաֆիկական և «Սոցիալիստական Լենինական» լինովրազրտությունների շարքերը: Խ. Եսայանի տարերքը քաղաքի փողոցների աղմուտ կյանքի, հրապարակների քաղաքի մտերմիկ, անաղուկ անկյունների գունագեղ պատկերումն էր («Ապրիլ», «Մայիս», «Արտավազի եկեղեցին»): Հյութեղ ու հսկեցած երինազիք ունեին Արտաշես Աքրահանյանի բնապատկերները («Ոսկեվազի առավոտ», «Վարդավառը», «Տերունին ու ծառը»): Իսկ «Գառնիի կիրճ», «Հայկական նաստյուրմորտ», «Հայաստանի մրգերը», «Դեղձերը», «Հեռացող Լենինական» աշխատանքներում բացահայտվում է Մ. Ավանազյանի իմքնատիպ ազգային ստեղծագործական եռությունը: Արվեստի օգնությամբ մարդու մեջ կեցության ուրախություն, կյանքի և բնույթի նկատմամբ սեր արարելու նպատակ ունեն նաև նրա փոքր քրոջ՝ Ե. Ավանազյանի այդ շրջանի գործերը՝ «Հարազատ գյուղում», «Լավաշ են բխում», «Ապարանից աղջիկը» և այլն: Իրենց արվեստով նրանք դեկորատիվ գեղանեկարչության նույն սկզբունքների, աշխարհի, հրականության ընկալման ու արտահայտնան տիպիկ ազգային գեղի կրող նկարչությունը էին:

50-ական թվականներին ավագ սերնդի կողմին հասունանում էր լենինական յան նկարիչների հաջորդ սերունդը՝ իր թարմ թեմատիկայով, ուրույն գեղարվեստական աշխարհզգացողությամբ, կյանքի իր նորովի ընկալումներով՝ Մ. Ավետիսյան, Ն. Գյուլիքիսյան, Ա. Հովհաննեսյան, Զ. Գրիգորյան, Ա. Պատիկյան, Հ. Սիմանյան, Ա. Մելքոնյան, Մ. Գրիգորյան, Ռ. Արոյան, Գ. Հովսեփյան, Է. Արծրունյան, Հ. Թարզյան, Խ. Վարդպարոնյան, Մ. Թորմաջյան, Ալ. Գրիգորյան, Ծ. Հերթեցյան և էլի շատ ուրիշներ: Խեն կերպարվեստի առաջատար բնագավառը դարձալ գեղանեկարչությունն էր, բայց ճարտարապետության, քանդակագործության և գեղանեկարչության սինթեզի հիմքի վրա քաղաքում սկսում են զարգացում ապրել նաև դեկորատիվ քանդակագործությունն ու նմուռնենտալ գեղանեկարչությունը:

Հայ կերպարվեստի 60-ական թվականների նոր վերելիք խորհրդանիշը Շիրակ աշխարհի որդին՝ Մինաս Ավետիսյանը դարձավ: Նրա հայտնությունը ջերմունքու ողջունեց Մ. Սարյանը: Մինասը բազմատեղ նկարիչ էր, բնանկարներ, դիմանեկարներ, թեմատիկ սյուժետային պատկերներ, քնարական ու լուսավոր որմնանեկարներ Լենինականում, Ազգանում, Մարմաշենում: Մոնումենտալ գեղանեկարչության ասպարեզում ժամանակակից գեղանեկարչության ձևերի և ազգային ավանդույթների խորքային իմացության համադրումից ծնվեցին որմնանեկարի մինասյան գլուխազործոցները Լենինականում: Դրանք «Անալիտիկ սարքեր», «Էլեկտրասարք», «Գալվանանոր» և «Ստրոմնաշինա» գործարաններում արված «Թորոս Ռեսլինի ծնունդը», «Երկանք», «Գորգ են գործում», «Խաչքարի մոտ», «Հայաստանի լուներում» որմնանեկարներն են, որոնց մի մասը երկրաշարժն ավելեց, իսկ համեմատարար լավ վիճակում հայտնվածների պահպանվածության օրախնդիր հարցն այսօր հրատապ լուծում է պահանջում: Ի դեպք, «Ստրոմնաշինա» գործարանի նախկին ճաշարանի պատերին են նաև Ռ. Արո-

յանի և Հ. Հակոբյանի բարձրարժեք որմնանկարները: Հիշարժան են նաև որմնանկարչության մեկ այլ վարպետի՝ Հ. Սինայյանի Հոկող հաստոցների գրքարանի բանվորական ճաշարանի պատի դեկորատիվ ձևավորումն ու Ա. Սելզոնյանի «Մինօք» որմնանկարը (որոնք ոչնչացան երկրաշարժից՝ շենքի փլուզման պատճառով): Հիացմունքի է արժանի «Գյումրի» ռեստորանի «Չուննաշխներ» որմնանկարը, որը հեղինակել էին Խ. Վարդպարոնյանն ու Ֆ. Սանուկյանը: Վերջինն էր պատկանում նաև երկարուղային-ների ակունքի պատի «Սասունցիները» դեկորատիվ պանոն:

Այդ շրջանում գեղանկարի ու գրաֆիկայի զյումրեցի փայլուն վարպետներից էր նաև Ալեքսանդր Գրիգորյանը՝ գեղարվեստի Սարյանական դպրոցի ամենահավատավոր ներկայացուցիչը: Նոյն գեղարվեստական ակունքներից է սերվել նաև մեկ այլ տոհմիկ զյումրեցի՝ Հովհաննես (Օնիկ) Սինայյանը: Ստեղծագործական աշխարհ մտնելով հաստոցային գեղանկարչությամբ՝ նա կյանքի վերջին տարիները նվիրեց ճարտարապետության և գեղանկարչության սինթեզի խնդիրներին: Որմնանկարչությունը, այն էլ իր պաշտելի ծննդավայր Գյումրիում, նկարչի ստեղծագործությունների լավագույն նաևն է:

Երևանաբնակ զյումրեցի նկարիչներից էր նաև հազվագյուտ գրագետ, արտիստիկ, իիանայի դիմանկարիչ և բնանկարիչ Աշոտ Մելքոնյանը, որը մեծ բարձրություն ու նուրբ քնարականություն թերեց այդ տարիների գեղանկարչության մեջ: Իսկ մեկ այլ շիրակցու՝ Ռաֆայել Արոյանի ստեղծագործությունների ակունքը իր մանկությունն էր, լենինականյան փողոցներն էին՝ իրենց առօրյա եռուղեռով: Ռ. Արոյանն իրավամբ Շիրակի հնքնատիպ գեղանկարչական դպրոցի բարձրաճաշակ, նուրբ ու զգացմունքային ներկայացուցիչն էր:

Այս աստղաբույլն անշուշտ կաղքատանար առանց Աշոտ Հովհաննիսյանի (Դեղձ Աշոտ) և Հին Գյումրին մոռացությունից փրկող Հակոբ Անանիկյանի ամունների: Ա. Հովհաննիսյանի պայծառ ինտենսիվ ընկալում էր միայն ազնիվն ու լուսավորը, նրա լուսատես երևակայության աշխարհը տրոփում է կյանքի զգացողությամբ և առողջ կենսափրությամբ: Կտավները զուսպ են, ժատ արտահայտչամիջոցներով, բայց իմաստալից, խորքային, ի զրու վեհացնելու, հոգելու մարդու հոգին («Մայրը երեխայի հետ», «Հանդիպում», «Գյուղական նոտիվ», «Սարդը պահանջի հետ»):

Հ. Անանիկյանի արվեստը սիրու ու բարության արտահայտություն է Գյումրու ու նրա մարդկանց նկատմամբ, որովհետև Անանիկյանն ինքը հունցած էր նույն խմբից, ինչ իր հերոսները՝ ինչ զյումրեցիները («Պոլոզ Սոլկուչը», «Օնեսի սերը», «Ղափա Սիմոնը», «Թորմաշենց Սերոբը», «Ֆոնջի Սիմոնը»): Լենինականը նաև բազմակողմանի օժտված, ճոխ երևակայության տեր նկարչի՝ Սուրեն Ստեփանյանի ծննդավայրն ու ստեղծագործական բնօրքանն է: Նրա մի շարք աշխատանքներ («Քակ Լենինականում», «Հին Լենինականում», «Քոչի բաղը») իր հարազատ քաղաքի նկատմամբ նկարչի անքարույց սիրու ու նվիրվածության իման են: 60-ական թվականների երևանական զյումրեցի նկարիչների շարքը թերևս կամրողանա Եղուարդ Արծունյանի, Գարուշ Հովսեփյանի, Չուլում Գրիգորյանի, Մասիս Գրիգորյանի, Մարտին Պետրոսյանի, Զենարիկ Վարդանյանի, Վարդիրեր Կարապետյանի և այլոց անուններով:

Դեռևս 1945թ. ստեղծված Նկարիչների միության Լենինականի բաժանմունքը նկարիչների ստեղծագործական կյանքի զործուն կազմակերպիչն էր քաղաքում: Ամենամյա գեղարվեստական ցուցահանդեսների կազմակերպումը քաղաքում խոշոր ու անգնահատելի դեր է խաղացել ինչպես բարձրարժեք ստեղծագործությունների արարման, այնպես էլ քազմարիկ ու, հիրավի, տաղանդավոր արվեստագետների պրոպագանիման գրծում: Ցուցաբանի բացակայության պատճառով դրանք այդ տարիներին ստվորաբար կազմակերպվում էին նկարչական դպրոցում: Անվանի նկարիչներ Ս. Սիրոյանի, Խ. Վարդպարոնյանի, Ա. Ծատուրյանի, նկարչուիներ Ա. Արքահամյանի, Ն. Սաֆյանի, Ն. Նալբանդյանի, համեմատաբար երիտասարդ նկարիչներ Ֆ. Սանուկյանի, Է. Եղիգարյանի, քանդակագործ Զ. Կոշտոյանի ցուցահանդեսները երևելի մշակութային իրադարձություններ էին քաղաքում, որը չէր մոռանում ցուցադրել նաև իր երևանաբնակ զավակների՝ Խ. Եսայանի, Ա. Արքահամյանի, նաև այլ նկարիչների աշխատանքներ (Ս. Սաֆարյան, Գառզու): Քաղաքի մշակութային կյանքում երևաւը եղան Ս. Սերկուրովի անվան նկարչական դպրոցի 50 և 60-ամյակների առիթով կազմա-

Կերպված ցուցահանդեսները՝ նրա համարյա բոլոր տարիների շրջանակարտների գործերի ցուցադրմանը: 1981թ. Լենինականում բացվում է Հայաստանի պատկերասրահի լենինականյան մասնաճյուղը, որը քաղաքի արվեստասեր հանրությանը հնարավորություն է ընձեռում հետայսու ի նոտո հիանալու հայ և համաշխարհային շատ վարպետների գործերով:

Այդ տարիներից սկսած՝ քաղաքի «գեղեցկացման» գործում սկսեցին գործուն ներդրում ունենալ նաև գեղարվեստի մարդիկ: 1962թ. Սոսկվայից եկավ և քաղաքի գեղարվեստական կյանքի կազմակերպմանը նվիրվեց վաստակավոր նկարիչ Խաչատրյան Վարդապարոնյանը: «Հայուելլամի» տնօրենն ու նկարիչների միության նախագահը (Ը. Սարգսյանից հետո) ուղղակի մեծ նվիրումով էր հայրենի քաղաքի գեղեցկացման և թե՛ նրա գեղանկարչական պահույթների հարստացման գործին, որին հետագա տարիներին առանձնահատուկ խնամքով ու լրջությամբ վերաբերվեցին նաև շատ որիշ նկարիչներ ու քանդակագործներ՝ իրենց տաղանդու աստվածատուր շնորհքը նվիրաբերելով հարազատ քաղաքի ինքնատիպ դիմագծի կերտմանը: Գյում-ռեցի արձանագործների՝ Զ. Կոշտոյանի, Ա. Պապոյանի, Ֆ. Սողոյանի, Ա. Վարդանյանի, նաև Ա. Շիրազի, Կ. Սարիկյանի, Կ. Նիկողոսյանի և այլոց ողջ վարպետությունն է խտացված Մեծ զյուրքեցիների՝ Ա. Խասհակյանի, Հ. Շիրազի, Ա. Տիգրանյանի, Մ. Ալիբաշյանի, Շերամի, Ասրաբետի հուշաքանդակներում, մի շարք արձանախմբերում, որոնք առանձնահատուկ շուր ու հնայր են տալիս մեր հրապարակներին ու պուրակներին: Այս շրջանից սկսած՝ քաղաքի ներքին հարդարման կարևոր բաղկացուցիչներ դարձան նաև հրապարակների ճարտարապետական պատկերն ամբողջացնող «Հայուին», «Վարդանյանք» (Ա. Պապոյան), «Աշոտ Ողբրմած» (Ֆ. Սողոբեյյան), «Ռուդուկահար» (Ֆ. Սողոյան), «Ջրահար» (Կ. Սարիկյան), «Խամուզի» շատրվանախումբը զարդարու «Նամե» (Ա. Վարդանյան) պլաստիկ պատկերները: Իսկ Զ. Կոշտոյանի «Հույս»-ը և Սայաթ-Նովա պուրակի խաչքարը քանդակագործի և ողջ Գյումրու խորհումն է 1988թ. երկրաշարժի և Սումգայիթյան գոհերի հիշատակի առջև:

Տեղաբնակ նկարիչների կողմին Լենինականում սպեկ ու ստեղծագործել են նաև օտարությունից հայրենիք վերադարձած Հակոբ Հակոբյանն ու Պետրոս Կոնտուրացյանը: Եզիպտոսից հայրենադարձվելուց հետո Հ. Հակոբյանը մի քանի տարի ապրեց Լենինականում ու շեմորեն սիրեց քաղաքը: Նրա բնանկարներից շատերը վրձնած են այստեղ՝ «Փողոց Լենինականում», «Լենինական. Կիրովի փողոց», «Քակի», «Ուշ աշուն», «Վաղ գարուն»: Լենինականին նվիրված նկարչի աշխատանքները մտերմիկ գրույց են քաղաքի ու նրա մարդկանց մասին: Պ. Կոնտուրացյանի արվեստում միաձուվել են ֆրանսիական նկարչական դպրոցի բարձր մշակույթը ու հայկական կենսասեր ու երազկուտ խանճակածը: Նրա՝ Շիրակին նվիրված բնանկարների շարքը՝ «Լմրատավանք», «Մարմաշենի վաճքը», ուրույն խոսք են մեր արդի կերպարվեստում:

1960-90-ական թվականների Գյումրու գեղարվեստական կյանքի բնահարթակում հանդես եկող նկարիչներից էին նաև Անաստիկ Գրիգորյանը, Ֆերդինանտ Սանուկյանը, Էդուարդ Եղիազարյանը, Հմայակ Մարտոսյանը, Նվեր Սաֆյանը, Նինել Նալբանդյանը, Սուսաննա Ալյուշյանը, որն արդեն 30-տարի է, դեկավարում է Մանկական գեղագիտական կենտրոնը, քանդակագործներ Զավեն Կոշտոյանը, Արկադի Գրիգորյանը, Կամս Սարիկյանը, Ֆերդ Սողոյանը: Նրանք բոլորն էլ ավարտել են Երևանի Գեղարվեստարական ինստիտուտի համապատասխան բաժինները, վերադարձել Գյումրի և լրացրել քաղաքում ստեղծագործող նկարիչների շարքերը: Նրանցից ունանք (Ա. Գրիգորյան, Ֆ. Սանուկյան, Հ. Սարեկյան) հետո տեղափոխվեցին Երևան, իսկ Է. Եղիկարյանը՝ Չեխիա (Պրահայում ազատ նկարիչ է), Ֆ. Սանուկյանը և Ֆ. Սողոյանը՝ Մոսկվա: Ֆ. Սանուկյանի դեկորատիվ պանոնն հավաքված տարրեր երանգների բնական քարերից՝ Ալյանի անվան մշակույթի տաճ պատին, նկարչի լավագույն գործերից է, որի ապագան անհայտ է՝ շենքի ավերման պատճառով: Նկարիչը երկրաշարժի գոհերի հիշատակի հավերժացման նպատակով ստեղծել է «Երկրաշարժ և վերածնունդ» որմնանկարի աշխատանքը և ցանկություն ունի տեսնել այն իրագործված:

Այս սերնդի քանդակագործների մեջ ուժեղանում է հետաքրքրությունը դիմաքանդակի նկատմանը: Նրանք անդրադառնում էին իրենց ժամանակակիցներին՝ մտա-

Վոր ու ֆիզիկական աշխատանքի մարդկանց, փորձում էին գնահատել մարդու ներաշխարիք, տալ նրա կերպարը լայն ընդհանրացված պահատիկական ձևերում:

Զ. Կոշտոյանի «Երաժշտություն», «Ծերամ», «Ալեք Մանուկյան», «Վ. Սարգսյան» աշխատանքները քանդակագործի մասնագիտական վարպետության լավագույն գրավականներն են: Զ. Կոշտոյանի նվիրումը քաղաքին չի ավարտվում միայն ստեղծագործական աշխատանքով: Նա գրադիմ է նաև մանկավարժութամբ՝ օժանդակելով շնորհայի նկարիչների պատրաստման գործին (Գեղարվեստի ակադեմիայի Գյումրու մասնաճյուղում):

Զկարվելով իր հարազատ արմատներից՝ Մուկվայում է ապրել ու ստեղծագործել անվանի քանդակագործ Ֆրիդ Սոլոյանը, որը քաղաքին է նվիրելու իր «Գրաստություն» հուշաքանդակը ի խոնարհումն 1988թ. երկրաշարժի գործին:

Թողորին են հայտնի ծնններով ոչ գյումրեցի Կամո Սարիկյանի Լուկաշինի, Շիրազի, Ալբակուի դիմաքանդակները: Իսկ նրա «Չրահարս» ու «Եղիշեներ» քնարական աշխատանքները պարկա-պուրակային քանդակագործության լավագույն նմուշներ են:

60-80-ական թվականների քատրոնը նույնական կարիք ուներ նշանակալի գեղարվեստական իրադարձությունների և քատերական նոր սերնդի, սերունդ, որը պետք է բնորոշեր արդի ժամանակների դեկորատիվ արվեստի զարգացման նիտումները: Նրանք համարձակութեն բեմահարքակն ազատում են ավելորդ իրերից. ծավալային դեկորացիաների փոխարեն օգտագործում են պայմանական վարագույրներ, առանձնահատուկ գեղանկարչական հնարներ և հատկապես լուսավորության հնարավորություններ: Լուսավորությունը դառնում է ձևավորման կարևոր տարրերից մեկը: 60-80-ականների քատրոնի նկարիչներին հասուն էր դեկորատիվ մտածողության հարստությունն ու քարմությունը, գեղանկարչության լակոնիզմն ու բեմահարքակի մաքսիմալ տնօրինությունը: Այս շրջանի քատերական նկարիչների շարքը համարվում է երիտասարդ ուժերով: Նրանց ընդհանուր առանձնահատկությունն այն էր, որ նրանք քատրոն էին եկել կերպարվեստի տարրեր բնագավառներից: Իրադարձություն էր Մինասի հայտնությունը քատրոնում: Տաղանդավոր նկարչի քատերական ձևավորումները զարմացնում էին իրենց նկարչության համարձակությամբ ու արտահայտչամիջոցների հարստությամբ («Ալմաստ», «Գայանե», «Բողերո», «Տիկնիկների աշխարհում», «Նեգրական թաղամաս»): «Գայանե»-ի և «Ալմաստ»-ի ձևավորումները Մինասի քատերանկարչի նվաճումներն են: Թատերական կյանքն իր քարձրության վրա էր գտնվում նաև Գյումրիում: Բեմանկարչության ոլորտում իրենց խոսքն ասացին նկարիչներ Ա. Ծատուրյանը, Հ. Սահակյանը, Է. Եղիգարյանը, Եվ. Սոֆրոնյանը: Նրանց ձևավորած «Ունմոն, Զուինուր և խավարը», «Փանոսը, Կիկոսը և մյուսները», «Գիրորը», «Բուրը», «Քեռի Միջան», «Սոնմբերո», «Թմրկահարուիհն», «Փորձարաշտ», «Տիտոս Անդրոնիկոս», «Ունիզոր», «Կուրած մայրիկը և նրա երեխաները», «Կորրադո», «Անավարտ մենախություն» ներկայացումները գոհունակությամբ ընդունվեցին հանդիսատեսի կողմից:

Քաղաքի ստեղծագործական կյանքն ընդհանու հանկարծահաս երկրաշարժը (1988թ.), որն իր անդանայի կործանարար ազդեցությունը քողեց գյումրեցիների քեզ հոգերանության, քեզ մտածողության և հետևարար նաև կենսակերպի վրա: Սակայն զյումրեցու արարման բնասուր ոգին չընկեր չկարողացավ:

ИЗ ИСТОРИИ ИЗОБРАЗИТЕЛЬНОГО ИСКУССТВА АЛЕКСАНДРОПОЛЯ – ЛЕНИНАКАНА (1850-1988гг.)

Резюме

Л. Атанесян

В статье представлено развитие изобразительного искусства (живопись, скульптура и т.д.) Александраполя со II-ой половины 19-ого века до 1988 года. Автор в своей статье отобразил жизнь и творчество не только проживающих в нем художников (Г.Брутян, Ш.Вержбицкая, Е.Назарян, Э.Саргсян, С.Степанян и др.), но и художников, уроженцев города, проживающих и творящих в других республиках бывшего СССР (Р.Атоян, А.Мелконян, Е. и М. Асламазяны, Ш.Есаян).